

Te taata toa o tei hinaaro
te hohoa no teienei vea, e
aufau mai ia, i na farane,
12, i te matahiti hoe.

Faaumai ia, i te auvaha
no te paeau Papaa.

TE VEA NO TAHITI,

Ei haaparare raa, i te Parau rii api, e faufaa hia' i to
te mau fenua i roto i te Han Tamaru; e neia, i te mau mahana maha toa

O te feia hootaoa, e te mau
taata, e haapao i te tauraa
taoa, e tia ia, ia nenei atoa
hia, ta ratou mau parau
faaite, i roto i teienei vea,
ia aufau mai ratou, i farane
ite rini hoe.

E faaumai ia, i te auvaha
no te paeau Papaa.

PAEAU PARAU O TE HAU.

FAAUE RAA.

Te Tomana, te mono te auvaha o te Emepera i te mau
fenua Totaiete.

I te hio raa i te faaue raa numero 14 no te mahana pae
no Ditema 1851, tei faaò i te mau pahiee, i roto i te mau
mau ava, no teienei fenua, faatomo haere ai i te anani.

I te manao raa e au ia faataoa hia te uta raa no teienei
maa tupu noa i te fenua nei, mai te faaapiapi ore i te mau
faufaa no te faaapu raa.

E no te Irava hitu no te faaue raa no te mahana 28
no Eperera 1843, tei faaau hia mai no teienei mau fenua
Totaiete.

No te parau a te Ordonnateur, o tei rave i te toroa au-
vaha no te fenua nei.

Ia faaroo hia te parau a na apoo raa a te Hau.

Te faaue nei.

Irava 1.

Ia tae i te mahana hoe no Tiurai i mua nei haamata tu
ai, E faatia hia te hoe taoa no te uta raa, e piti farane e te
afa no te tauatini anani hoe.

Irava 2.

Na te taata i faatomo i te pahie e aufau mai i teienei
taoa; e ia ore tei faatomo ia aufau mai ra; na te raatira ia
no te pahie e aufau mai i mua e i te tuu raa tu o te parau a
te Duana, ia hio hia te parau faaite i titau hia e te irava 6
no te faaue raa 41 i faaite hia i nia nei.

Irava 3.

Te Ordonnateur tei rave i te toroa auvaha no te fenua
nei e te raatira no te Duana, tei haapao hia i te mau vahine
rii e au ia raua, ei haamana i teienei faaue raa, o te papai
hia, pia hia, e o te nenei hia hoi i te pue raa parau toroa
no teienei fenua ai hua raau.

Papeete, te 5 no Tiunu 1856,
Papahia : Roy.

FAATOROA RAA.

Ua faatoroa hia aenei te raatira faaehau ra o Jobey, ei
raatira no te mau mutoi, e no te Duana, ei mono ia miti
Gillet raatira no te mutoi papaa ra.

FAATOROA RAA.

No te faatia raa a tona Hanahana o Pomare, te Arii
vahine no te mau fenua Totaiete, e te Tavana, te auvaha
o te Emepera. ua faa-toroo hia o Horohia ei raatira Mutoi
no te mataeinaa ra no Varari i Moorea, ei mono ia Maiino
o tei faarue mai i tona toroa.

E aufau te Tavana, te auvaha o te Emepera, na teienei
taata toroa, ei utua no tona toroa, i na farane, hoe hanere
e piti ahuru, i te matahiti hoe.

E papai hia te hohoa no i te hiopoa raa, ei te fare toroa
eienei parau toroa no te auvaha.

Papeete, te 1 no Tiunu 1856.

Te Tavana te auvaha o te
Emepera,
Papahia : ROY.

Te Arii vahine o te mau
fenua Totaiete.
Papahia : o POMARE.

PARAU FAAITE.

Te faaite hia tu na to Tahiti, e te haere atu nei te haa-
va papaa e taamu haere i roto i te mau mataeinaa toa ;
ei te mahana 12 no teienei avae no Tiunu nei e reva tu ai.

O te mau taata Tahiti, e marò raa ta ratou e te mau
papaa e parahi haere i to ratou mataeinaa ra, e au ia, ia
ratou ia faaite ae i te haava i taua mau maroraa na ratou
ra.

O te mau parau anae ra, o te taata Tahiti te tahi pae,
e te papaa te tahi pae, te au ia afai mai i te haava papaa
ra.

Haava raa no te hara rii noinoi no te mau fenua
Totaiete nei.

No te haava raa i te mahana e 22 no Me, ua faautua hia
te taata Tahiti ra o Oè, i te utua, hoe matahiti i roto i te
auri. 16 utua, e 50 hoi farane no te haava raa, no tona eia
raa i te taoa ia Uiriamu Hamblin.

te Peretiteni e hohoa mau te papai parau
papahia : o Notkiewicz. papahia : o V. Dupond.

PARAU RII API.

I te mahana maha, i te hebetona i oti aenei, ua haputu-
putu te raatira no te manua Peretane o *trincomalee*, o
Tomana Huston, i tona Hanahana te Arii vahine e tona
toa ra fetii, te Tomana mono no te auvaha o te Emepera
te Tonitara Beretane hoi, e tana vahine, i te hoe amu raa
maa i nia i taua pahie ra.

I taua amu raa maa ra hoi, ua inu hia te ora o to ratou
Hanahana te Arii vahine o Pomare, te Arii vahine no Pere-
tane, te Emepera no Farani, e te tamaiti hoi o te Emepe-
ra. Ia ahiahi iho hoi no te mea e mahana putuputu raa ia
io te auvaha o te Emepera, ua tairuru anae maira te mau taata
toa i tamaa, e te tahi pae raatira toa hoi no taua pahie ra.

FAAOEPA NO TE APOO RAA I TE MAHANA 20 NO NOVEMA.

Opura, Te ani nei au e ia faatia hia teienei Irava.

Ua orero maira o Roura o Vairaotoa o Nuutere, e o
Taatauurv o te tahi pae ra te faaite ra ia, e ia opani paa-
joa hia te mei ite i faaite hia i roto i taua Irava nei, o te
tahi pae ra ra. te manao ra ia e, o te ite fetii anae ra te
opani atu.

Apoo. O te taata ohipa hoi tei ite maitai i te Ite e au ro-
to i tana ohipa, mai te mea, ia faatia tatou e ia opani paa-
toa hia teienei mau Ite. aita atura hoi ia e Ite e oti ai te
ohipa.

Piapa. Ua faahapa uana oia i te Ite fetii.

ae aera hoi i te nora 4, ia ou te pure raa i matan hia ra, opani aera te apoo raa, maite faaau maite hia e, ei ia poipoi i te mahana 21 no Novema, i te avatea mau ra e haa-putuputu faahou ia.

No te mea ua ani mai nei te vetahi mau Tavane e te tahi mau taata toroa toa hoi, e vaiho rii aena i te ohipa aua i faaue hia mai e te Ture api nei, no te tahi ohipa e i o pua hia i roto i to ratou mau matacinaa i faaite faahou atu ai te Hau i teienei parau.

E ore roa tu e tia i te hau te vaiho i taua ohipa aua ra, no te mea ua haamana hia aenei iaua Ture ra; E ore atoa hoi te Hau e parau atu e Eiaha e rave i te tahi ohipa, e; E tia noa e tia noa i te hoe taata i rave i tana aua, e ia avatea, a haere tahi i tana ahimaa, e e haere i te maa e taia etc oia toa hoi te taata ia hinnaaro i te rave i te hoe ohipa e ao; e au ia rave i te aua i te hoe mahana, e i te tahi mahana a haere a rave i te ohipa fare, e te tahi mau ohipa e tana i hinaaro, tei iana iho ia, aore roa ta te hau e parau no te reira vahi; Teie ra ta te Hau vahi e haapao nei no te mea ua haapao hia te avae ra o toa ei hiopoa raa, ei reira te hau e hiopoa maitai ai, e o te taata aore i haapao atu i tana Ture ra, e aore tana aua i oli; E ore roa oia e faaherehere hia, e hoe iti ae, e haamana pabu roa hia tana ture ra, e e faautua roa hia mai te faaroo ore hia te otohe

raa. I naha ua ite atu na outou i te huru mau o fa te Hau nei parau, atira te papai mai i te reira mau huru parau.

Te mau tamarii tamaroa e rave haere i te ohipa i te fare o te mau papaa ra, te faaite hia tu nei ratou, e aore ratou i parau hia. Eiaha e haere i te haapiiraa no te mea ua rave haere ratou i te ohipa. E no reira, te faaite hia tu nei te mau metua no taua mau tamarii ra, e taua mau tamarii atoa ra hoi, e e haere a ratou i te haapii raa i te mau mahana toa i te poipoi e te ahiahi. E maa taima maoro hoi tei vaiho hia tu na ratou no te rave raa i te ohipa a to ratou mau fatu; E mai te mea ia parau mai te mau fatu ia ratou e faarue roa i te haapii raa. Eiaha ia te mau metua e faatia tui te reira faaau raa. E faaite atoa i te mau papaa na roto i te vea farani e Eiaha e tapea haere i taua mau tamarii ra ia haere i te haapii raa, e eiaha hoi e haapeapea i te haapii raa i te mau tamarii. Ua faaue hia aenei te mutoi i haapao hia no te hiopoa raa i te mau tamarii haapii. Eiaha e faaroo i e reira mau otohe raa no te ohipa, e o te mau metua hoi te faautua hia mai tei faaite hia mai i roto i te ture no te haapii raa te irava 4, no to ratou paraparua i te tono ore raa i ta ratou mau tamarii i te haapii raa,

Te auvaha no te Tavana ATAMU.